

**ՀՅՈՒՍԻՍԱՅԻՆ ԵՎ ՀԱՐԱՎԱՅԻՆ ԵՄԵՆԻ
ՀԱՐԱԲԵՐՈՒԹՅՈՒՆՆԵՐԸ 1967-1979ԹԹ.**

Եմենի երկու հանրապետությունների՝ Եմենի Արաբական Հանրապետության /ԵԱՀ/ և Եմենի Ժողովրդադեմոկրատական Հանրապետության /ԵԺՀ/՝ քաղաքական հարաբերությունների պատմությունը սկզբնավորվում է 1967թ. նոյեմբերի 30-ին, երբ անգլիական զորքերը հեռացան Հարավային Եմենից և վերջինս հռչակվեց անկախ պետություն, և շարունակվում մինչև 1990թ. միասնական եմենական պետության ստեղծումը:

Միջեմենական հարաբերությունները բնորոշվել են ինչպես միմյանց նկատմամբ թշնամական՝ ընդհուպ մինչև պատերազմական գործողություններով, այնպես էլ իրական միասնությանն ուղղված քայլերով: Եմենի երկու հանրապետությունների ղեկավարները տարբեր ուղիներով և ձևերով հետա-մուտ են եղել միասնական Եմենի ստեղծմանը, որի հիմքում ընկած է եմենցի ժողովրդի պատմական ընդհանուր անցյալը: Սակայն հաճախ միասնության գաղափարը քողարկել է պայքարը քաղաքական երկու համակարգերի միջև: Կողմերը համղես են եկել փոխադարձ մեղադրանքներով ու հավակնու-թյուններով²:

Երբ 1967թ. նոյեմբերին Հարավային Եմենը հռչակվեց անկախ պետու-թյուն, Հյուսիսում շարունակվում էր 1962թ. հեղափոխությունից հետո սկսված քաղաքացիական պատերազմը իշխանության եկած հանրապետական վարչա-կարգի կողմնակիցների և ընդդիմադիր միապետականների միջև: 1967թ. նոյեմ-բերի 5-ին նախագահ Աբդալլա աւ-Սալալը հեռացվեց իշխանությունից: Արդ առ-Ռահման ալ-Արիանին ստանձնեց նախագահի, Մուհսին ալ-Այնին՝ վարչա-պետի, Հասան ալ-Ամրին՝ զինված ուժերի գլխավոր հրամանատարի պաշտոնը:

1967թ. դեկտեմբերին միապետության կողմնակիցները, փորձելով ռազմական ճանապարհով երկրում միապետական կարգեր հաստատել, շրջափակեցին Սանան, որի հետևանքով երկրում սկիզբ առավ ժողովրդական շարժում, որի մեջ ներգրավվեցին նաև Հյուսիսային Եմենի ծախ քաղաքական ուժերը: Նրանց մեջ մեծ հեղինակություն ուներ հատկապես արաբ ազգայնա-

կանների շարժումը, որ սերտ կապեր ունեն 1967թ. Չարավային ենմնում իշխանության եկած Ազգային ճակատի՝ հետ:

Զնայած 1968թ. փետրվարին Սանայի շրջափակումն ավարտվեց, հանրապետականների շրջանում չէին դադարում տարածայնությունները: Արդյունքում հանրապետական ծախսերը բռնությունների ենթարկվեցին: Բնական է, որ Չյուսիսում տեղի ունեցող դեպքերին Չարավը չէր կարող չարձագանքել: Նշենք, որ ԵԱՀ-ն ճանաչել էր և ողջունել Չարավային ենմնի անկախությունը³: Ի պատասխան Չարավային ենմնի կառավարությունում ստեղծվել էր ենմնի միասնության հարցերի նախարարությունը⁴: Սակայն ենմնի երկու հատվածների միջև տարածայնության առաջին նշաններն ի հայտ եկան, երբ Ազգային ճակատը Չյուսիսում սկսեց պաշտպանել հանրապետական ծախսերին, որը դարձավ ենմնի երկու հատվածների ղեկավարների միջև ծայր առած անվստահության պատճառ: Սակայն հետագա իրադարձությունները փոխեցին քաղաքական և տնտեսական զարգացումների ընթացքը: Ադենում 1969թ. հունիսի 22-ի Ազգային ճակատի ծախ ուժերը զահրնկեց արեցին Կահտան աշ-Շաաբիին և գրավեցին իշխանությունը⁵, որ հայտնի է «հունիսի 22-ի բարեփոխումների շարժում» անունով: Չարավային ենմնը հայտարարեց մարքսիզմ-լենինիզմի բոլոր հիմունքներով առաջնորդվելու մասին⁶:

Զնայած առկա հակասություններին՝ 1970թ. նոյեմբերի 25-26-ը Թաիզում երկու կողմերի ղեկավարները համաձայնության եկան ֆեդերալ միություն ստեղծելու հարցում: Սակայն երկու համակարգերի միջև տարբերություններն այնքան ակնհայտ էին, որ անհնարին էին դարձնում հաշտությանն ու միասնությանն ուղղված բոլոր ձեռնարկումները: Իրավիճակն ավելի պայթուցավտանգ դարձավ ընդդիմադիր կեցվածք ունեցող ենմնի 65 շեյխերի սպանությունից հետո⁶:

Կողմերի միջև վիճելի հարցերը կարգավորելու միջնորդական առաքելությամբ հանդես եկավ Արաբական Պետությունների Լիգան /ԱՊԼ/⁷, որի

³1950-ական թվականների երկրորդ կեսին ենմնի երկու հատվածներում կազմավորվեցին արաբական ազգայնական շարժման մասնաճյուղեր: Ազգայնականները հանդես էին գալիս արաբական պետությունների ազատագրության, արաբական միասնության և համագործակցության կոչերով: 1963թ. ձմռանը Սանայում տեղի ունեցավ Չարավի հայրենասիրական ազգայնական ուժերի կոնֆերանս, որտեղ որոշվեց ստեղծել Ազգային ճակատը՝ ենմնի հարավային հատվածում սկսված ազգային-ազատագրական պայքարը ղեկավարելու համար:

⁴Նախագահի պաշտոնի իրավասությունն ընկած էր Նախագահական հորիզոնի վրա, որի երեք անդամներն էին Սալիմ Ռուբեյա Ալին /Նախագահ/, Աբդ ալ-Ֆաթթահ Իսմայիլը և Մուհամմադ Ալի Չեյսամը:

շրջանակներում հոկտեմբերի 28-ին ստորագրվեց Եմենի միավորման մասին Կահիրեի պայմանագիրը⁸։ Պայմանագիրը նախատեսում էր երկու պետությունների հավասար թվով ներկայացուցիչներից կազմված հանձնաժողովների ստեղծումը, որոնք պետք է մշակեին ապագա պետության սահմանադրության ու միասնական օրենսդրության նախագծերը, ներքին և արտաքին քաղաքականությունը։

1972թ. նոյեմբերի 28-ին Տրիպոլիում Լիբիայի նախագահ Մուամմար Կադդաֆիի հովանավորությամբ Եմենի երկու նախագահները ստորագրեցին Տրիպոլիի միասնության պայմանագիրը, որը նախատեսում էր միասնական Եմենի՝ Եմենի Հանրապետության ստեղծումը Սանա մայրաքաղաքով⁹։

Ուսումնասիրողների կարծիքով՝ Տրիպոլիի պայմանագիրը Հյուսիսի տեսանկյունից ժամանակավոր զինադադար էր, որ ավարտվելու էր Ադենի հետ զինված բախումով։ Հարավի տեսանկյունից պայմանագիրը հնարավորություն էր տալիս շարունակել սոցիալական և տնտեսական բարեփոխումները¹⁰։

1973թ. աշնանը երկու պետությունների միջև հարաբերությունը նոր փուլ թևակոխեցին։ Սեպտեմբերի 4-ին Հյուսիսային Եմենի նախագահ Աբդ առ-Ռահման ալ-Արիանին և Հարավային Եմենի նախագահ Սալիմ Ռուբեյա Ալին Ալժիրում Չմիացող երկրների շարժման շրջանակներում քննարկեցին կողմերի միջև հարաբերությունների բարելավման, ինչպես նաև համատեղ հանձնաժողովների աշխատանքը։ 1973թ. սեպտեմբերի 9-ին նախագահները հանդես եկան համատեղ հայտարարությամբ։ Անհրաժեշտ համարվեց դադարեցնել Եմենի տարածքում զինավարժությունները, դիվերսիոն գործողություններն ու ռազմական ճամբարների գործունեությունը¹¹։

1973թ. նոյեմբերի 10-ին Հարավային Եմենի նախագահ Սալիմ Ռուբեյա Ալին առաջին անգամը լինելով այցելեց Հյուսիս։ Թաիզում երկու նախագահները համաձայնեցին միասնական ազգային տնտեսության բնագավառում մշակել համատեղ ծրագրեր։ Հաջորդ օրը նրանք այցելեցին ալ-Հոդեյդա, որտեղ քննարկվեցին համատեղ հանձնաժողովների աշխատանքները¹²։

Ուշադրության է արժանի այն փաստը, որ բանակցություններին ընթացքում երկու պետությունների միավորման, ինչպես նաև սահմանադրության նախագծի մշակման հարցերն առաջնահերթություն չունեին ի տարբերություն փախստականների վերադարձի, սահմանային բախումների, բանտարկյալների ազատ արձակման և լրատվական պատերազմի դադարեցման հետ կապված չորս հիմնահարցերի¹³։

Միևնույն ժամանակ պետք է ընդգծել, որ համակարգերից յուրաքանչյուրի որդեգրած ուղին խորթ էր մյուսի համար։ Ադենում Ազգային ճակատի

իրականացրած սոցիալական ուղղվածություն ունեցող արմատական բարեփոխումներին, մասնավորապես ազգայնացմանը, Սաման կասկածամտությամբ էր վերաբերվում և անհամատեղելի համարում միությունը Հարավի հետ: Սոցիալիստական ուղիով ընթանալ Հյուսիսի համար նշանակում էր կորցնել մասնավոր սեփականության ոլորտում ձեռք բերած նվաճումները: Հյուսիսը հարմար առիթ էր փնտրում խափանելու միասնության հանձնաժողովների աշխատանքն ու դադարեցնելու երկխոսությունը Ադենի հետ: Հարավային Եմենի Հանրապետական խորհրդի անդամ և հայտնի ցեղապետ շեյխ Մուհամմադ Ալի Օսմանի սպանությունը Թաիզում 1974թ. մայիսի 3-ին բավարար հիմք դարձավ Սամայի համար Ադենին մեղադրել քաղաքական սպանությունների մեջ և դադարեցնել բանակցությունները Եմենի համատեղ հանձնաժողովների հետ¹⁴:

Եմենի միավորումը զինված ճանապարհով իրականացնելու Սամայի կոչերը նոր թափ ստացան: Եմենի երկու հատվածներում վերստին հնչեցին տեղեկատվական պատերազմի պահանջներ: Սակայն Հյուսիսում 1974թ. փոխզնդապետ ալ-Համդիի իշխանության գալուց հետո երկու երկրների հարաբերություններում դրական տեղաշարժեր նկատվեցին: Դադարեց տեղեկատվական պատերազմը, Սաման Ադենին կոչ արեց բանակցություններ սկսել հանուն իրական միանության¹⁵:

Զնայած հարաբերությունների բարելավմանը՝ 1977թ. ձմռանը երկու պետությունները վերստին հայտնվեցին պատերազմի շեմին, երբ սահմանային Կոտուբա քաղաքի մոտ բախումներ տեղի ունեցան: Իրավիճակը կայունացավ միայն երկու երկրների բարձրաստիճան պաշտոնյաների՝ Սալիմ Ռուբեյա Ալիի և Իբրահիմ ալ-Համդիի 1977թ. փետրվարի 15-ին Կոտուբայում կայացած դռնփակ հանդիպումից հետո, որին հաջորդեց երկու երկրների կառավարության անդամների ընդլայնված խորհրդակցությունը: Այս հանդիպումը (որտեղ որոշվեց ստեղծել Եմենի Բարձրագույն խորհուրդ՝ զբաղվելու փոխադարձ հետաքրքրություն ունեցող հարցերով և հանձնաժողովներով) նպատակ ուներ դիմագրավել երկկողմ անհամաձայնություններն ու վերացնել դրանց առաջացման պատճառները¹⁶: Կոտուբայի պայմանագիրը եմենական առաջին նախաձեռնության արդյունք էր, որ մատնանշում էր միասնական արտաքին քաղաքականության միջոցով Եմենին սպառնացող վտանգների դեմ պայքարելու կողմերի ցանկությունը:

1977թ. հոկտեմբերին Ադեն մեկնելուց մեկ օր առաջ սպանվեց ալ-Համդին: Ադենում նա պետք է ավարտին հասցներ Եմենի միասնության նախագծի մշակումը, որի հիմքերը դրվել էին Կոտուբայում: Ալ-Համդիի

սպանությունը կապեցին Եմենի միասնությանը, բարենորոգումներին և ներքին կայունությանն ընդդիմադիր ուժերի դավադրության հետ:

Ալ-Չամդիի սպանությունից հետո Յուսիսային Եմենի իշխանությունը ստանձնեց փոխզնդապետ Ահմադ Չուսեյն ալ-Ղաշիմին, որը 1978թ. դարձավ երկրի նախագահ: Սանան հայտարարեց, որ մտադիր է Չարավի հետ հասնել հարաբերությունների բարելավմանը: Սակայն երկու պետությունների միջև աստիճանաբար բարելավվող հարաբերությունները նորից խաթարվեցին այս անգամ ալ-Ղաշիմիի սպանության հետևանքով, որը 1978թ. հունիսին 22-ին դարձավ ահաբեկչական գործողության զոհ: Նա սպանվեց հարավեմենցի էմիսարի պայուսակում տեղադրված ռումբի պայթյունից, որը հիմքը ընդունելով՝ Սանան Ադենի դեմ քարոզարշավ սկսեց՝ մեղադրելով նրան իր երկրի ներքին գործերին միջամտելու և ձախերին պաշտպանելու մեջ:

Ալ-Ղաշիմիի սպանությունը և դրան հաջորդած դեպքերի արձագանքներն արաբական երկրներում և ողջ աշխարհում նպաստեցին Չարավում հանուն իշխանության սկսված պայքարին Ազգային ճակատի երկու թևերի միջև, որոնք ներկայացնում էին Սալիմ Ռուբեյա Ալին և ճակատի գլխավոր քարտուղար Աբդ ալ-Ֆաթթահ Իսմայիլը: Վերջինիս հաջողվեց կարճ ժամանակամիջոցում ժողովրդական ոստիկանության և բանակի, ինչպես նաև հորհրդային Միության աջակցությամբ վերացնել իր քաղաքական հակառակորդներին: Այս հանգամանքները թույլ տվեցին շրջանառության մեջ դնել այն վարկածները, որ թե՛ ալ-Ղաշիմիի սպանության և թե՛ հեղաշրջման կազմակերպիչը Աբդ ալ-Ֆաթթահ Իսմայիլն էր, որ նպատակ ուներ կասեցնել Եմենի երկու հատվածներում ընթացող գործընթացները և Սաուդյան Արաբիայի և Արևմուտքի հետ ավելի սերտ կապերի հաստատումը¹⁷:

Ալ-Չամդիի և ալ-Ղաշիմիի սպանությունների հետևանքով երկու երկրների հարաբերություններում առկա լարվածությունն ավելի խորացավ: Երկուստեք իշխանությունները վերահաստատեցին կապերը կողմերի ընդդիմադիր կառույցների հետ: Դեպքերի մեծ զարգացման համար ոչ պակաս նշանակություն ունեցավ արտաքին միջամտությունը¹⁸: Ալ-Ղաշիմիի սպանությունը հանգեցրեց Ադենի նկատմամբ արաբական բոյկոտին և պատժամիջոցներին¹⁹:

Շուտով երկու երկրները նորից կանգնեցին զինված բախման սպառնալիքի առաջ, որը խթանեցին ներքաղաքական գործընթացները: 1978թ. հուլիսի 17-ին Յուսիսում իշխանության եկած Ալի Աբդալլա Սալիհը հայտարարեց, որ Ադենի հետ հարաբերությունները թակոխիսում են ռազմական նոր փուլ²⁰: Իսկ Ադենում Աբդ ալ-Ֆաթթահ Իսմայիլը փորձեց կասեցնել Սանայի և

Արաբական թերակղզու երկրների հետ հարաբերությունների բարելավումը՝ 1978թ. հունիսին տապալելով և մահվան դատապարտելով Սալիմ Ռուբեյա Ալիին՝

1979թ. փետրվարի 24-ից մինչև մարտի սկիզբը երկու երկրների միջև սկիզբ առած երկրող զինված բախմանը նպաստեցին տարածաշրջանի քաղաքական զարգացումները: Իրանի իսլամական հեղափոխությունից և շահի տապալումից հետո ԱՄՆ-ը կորցրեց Մերձավոր Արևելքում իր կարևորագույն հենակետը, որի հետևանքով տարածաշրջանում ԱՄՆ-ի դաշնակիցները, մասնավորապես Սաուդյան Արաբիան, սկսեցին կասկածամտությամբ վերաբերվել իրենց վարչակարգերին սատարելու ԱՄՆ-ի կարողությանը: Այս հանգամանքները նպաստեցին խորհրդային Միության և նրա դաշնակիցների, այդ թվում՝ Հարավային Եմենի դերի ապագա մեծացմանը: Ի պատասխան ԱՄՆ-ը փորձեց նոր դաշնակիցներ գտնել տարածաշրջանում՝ ապացուցելու իր կենսունակությունը Մերձավոր Արևելքի կայունության և նավթային շահերի պաշտպանության հարցում: Արդյունքում Հյուսիսային Եմենը սպառնազինվեց Հարավային Եմենի հետ պատերազմի ընթացքում Արաբական թերակղզում դիմակայելու, ինչպես նշված էր ամերիկյան հայտարարության մեջ, խորհրդային Միության ազդեցությանը²¹:

Երկու Եմենների միջև սկիզբ առած ճգնաժամը վերացնելու նախաձեռնությամբ հանդես եկան արաբական շրջանակները: 1979թ. մարտի 4-6-ը Քուվեյթում արաբական երկրների արտգործնախարարների արտահերթ հանդիպման ընթացքում ստորագրվեց կրակի դադարեցման և երկու երկրների միջև տարածայնությունների կարգավորման մասին պայմանագիրը, որ պիտի գործեր 1979թ. մարտի 3-ից²²:

Միասնության ծրագիրը հրատապ լուծում էր պահանջում երկու կողմերի համար էլ²³: 1979թ. մարտի 28-30-ը Քուվեյթում գումարվեց երկու երկրների ղեկավարների գագաթնաժողովը, որտեղ ստորագրվեց երկու պետությունների միավորման նախագծի վերաբերյալ հինգ կետից կազմված պայմանագիր²⁴: Քուվեյթի պայմանագիրը, որ սահմանում էր միասնական աշխատանքի ծրագիրը և պարտականությունները²⁵, խարսխվեց Կահիրեի և

²¹ Գոյություն ունեցող մեկնաբանությունների համաձայն՝ Սալիմ Ռուբեյա Ալիից ազատվելը նպատակ ուներ վերջնականորեն որդեգրել խորհրդային տիպի մարքսիստական ուղեգիծ, որին նա դեմ էր: Վերջինս հրաժարվել էր ԽՍՀՄ-ի հետ բարեկամության պայմանագիր ստորագրել՝ փոխարենը կապեր հաստատելով Չինաստանի հետ: Սալիմ Ռուբեյա Ալին զարգացման չինական մոդելի կողմնակից էր:

Տրիպոլիի պայմանագրերի վրա²⁶: Այս հանգամանքը մատնանշում է, որ չնայած անցյալում երկու վարչակարգերի միջև եղած հակասություններին, միասնության հարցի նկատմամբ նրանց դիրքորոշումն անփոփոխ էր: Այդ է վկայում նաև 1979թ. մարտի 29-ին Քուվեյթում Յուսիսային Եմենի նախագահի հետ համդիպման ժամանակ Չարավային Եմենի նախագահ Աբդ ալ-Ֆաթթահ Իսմայիլի հայտարարությունը՝ հրաժարական տալու իր պատրաստակամության մասին: Այդպիսով հնարավորություն էր տրվում Յուսիսային Եմենի նախագահ Ալի Աբդալլա Սալիհին դառնալ միասնական Եմենի նախագահ և հաղթահարել միասնության հետ կապված խոչընդոտները: Քուվեյթի պայմանագրի միջոցով երկու Եմեններին հաջողվեց ոչ միայն պատերազմական վիճակից անցնել երկխոսության, այլև իրատեսորեն քննարկել Եմենի միավորման ծրագրերը: Կողմերն ի վերջո համոզվեցին, որ հակամարտությունը ոչ միայն որևէ արդյունք չի տվել, այլև հանգեցրել է մարդկային և նյութական մեծ կորուստների, հարուցել զաղթականների, ինչպես նաև տնտեսական խնդիրներ, խոչընդոտել երկու երկրների զարգացմանը: 1980-ականներին երկու հատվածների իշխանությունները գիտակցեցին, որ այլ ելք չունեն՝ քան որևէ կառույցի մեջ միավորվել: Քուվեյթի պայմանագրի շնորհիվ, թեև տևական գործընթացի արդյունքում, 1990թ. Եմենի երկու հատվածներին ի վերջո հաջողվեց միավորվել:

Պետք է նկատի ունենալ, որ ազգային-ազատագրական շարժման զարթոնքի պայմաններում 1960-ական թվականներից եմենական հասարակությունն ընդհանրապես Յուսիսում թե Չարավում երկու Եմենների արտաքին և ներքին քաղաքական բազմաթիվ դժվարությունները բացատրում էր միասնության բացակայության հանգամանքով, ինչի հետ հաշվի չէր կարող նստել որևէ քաղաքական ուժ: Փաստորեն, միասնության զաղափարը 1960-ականներից մինչև վերջնական միավորում դարձել էր Եմենի հասարակական գիտակցության լեյտմոտիվը:

Գրականություն

1. Մուհամմադ Սալիդ Աբդալլա, Ադենի ժողովրդի պայքարը և իմպերիալիստական պատմությունը, Բեյրութ, 1989, էջ 234 (արաբերեն):
2. Ֆասան Ահմադ Աբու Տալիբ, Պայքարը երկու Եմենների միջև. արմատներն ու զարգացումները, Կահիրե, 1979, էջ 80 (արաբերեն):
3. Սալիհ ալ-Սկադ, Չարավային Եմենը և արմատական առաջընթացը ցեղային հարաբերություններում, Միջազգային քաղաքական ամսագիր, թիվ 31, Կահիրե, 1973, էջ 73-74 (արաբերեն):
4. Վիտալի Նաումկին, Ազգային ճակատը Չարավային Եմենի անկախության պայքարում, Մոսկվա, 1984, էջ 213-214 (արաբերեն):
5. Խալիդ Իբն Մուհամմադ ալ-Կասիմի, Եմենի միասնությունը ներկայում և ապագայում, Բեյրութ, 1987, էջ 73-75 (արաբերեն):

6. Մուհամմադ Մուհսին ազ-Ձահիրի. Եմենում ցեղերի քաղաքական դերը, Կահիրե, 1996, էջ 161 (արաբերեն):
7. Բուտրոս Բուտրոս Ղալի. Արաբական Պետությունների Լիգիան և տարածաշրջանային հակամարտությունների կարգավորումը, Կահիրե, 1977, էջ 158-160 (արաբերեն):
8. Հասան Ահմադ Աբու Տալիբ, նշվ. աշխ., էջ 83:
9. Եմենի Հանրապետություն: Մեկ Եմեն: Եմենի միասնության վերաբերյալ փաստաթղթերը (4), Սանա, 1990, էջ 42 (արաբերեն):
10. Եմենի միասնության փաստաթղթերը, Սանա, 1979, էջ 26 (արաբերեն):
11. Խալիդ Իբն Մուհամմադ ալ-Կասիմի, Եմենի միասնությունը ներկայում և ապագայում, Բեյրութ, 1987, էջ 110-11 (արաբերեն):
12. Միմադ Իբրահիմ ալ-Իբրաշի, նշվ. տեղում, էջ 32:
13. Մուհամմադ Ահմադ ալ-Աշմուլի, Ժամանակակից Եմենի պետության քաղաքական պատմությունը 1838-2001թթ., Կահիրե, 2002, էջ 135 (արաբերեն):
14. Սամիր Մուհամմադ Ահմադ ալ-Աբդալի, Եմենի միասնությունը և արաբական տարածաշրջանային համակարգը, Կահիրե, 1997, էջ 54 (արաբերեն):
15. Հասան Ահմադ Աբու Տալիբ, նշվ. աշխ., Կահիրե, 1979, էջ 84 (արաբերեն):
16. «աս-Սաուրա», 17.07.1979, Սանա (արաբերեն):
17. Հասան Ահմադ Աբու Տալիբ, նշվ. աշխ., էջ 85-86:
18. Սարուա Մաքքի, Վերջին զարգացումները երկու երկրներում, Միջազգային քաղաքական ամսագիր, Կահիրե, 1978, էջ 171 (արաբերեն):
19. Խալիդ Իբն Մուհամմադ ալ-Կասիմի, նշվ. աշխ., էջ 92:
20. Հասան Ահմադ Աբու Տալիբ, նշվ. աշխ., 87:
21. Խալիդ Իբն Մուհամմադ ալ-Կասիմի, նշվ. աշխ., էջ 93-94:
22. Աբդ ալ-Համիդ ալ-Մուաֆի, Հակամարտությունը Եմենի երկու հատվածների և Քուվեյթում Արաբական Պետությունների Լիգայի համագումարը, Միջազգային քաղաքական ամսագիր, թիվ 56, Կահիրե, 1979, էջ 165-166 (արաբերեն):
23. Հասան Ահմադ Աբու Տալիբ, նշվ. աշխ., էջ 91-92:
24. Աբդ ալ-Համիդ ալ-Մուաֆի, Միասնության դրդապատճառները և երկու Եմենների միջև բախման պատճառները, Միջազգային քաղաքական ամսագիր, թիվ 57, Կահիրե, 1979, էջ 88 (արաբերեն):
25. Մուհամմադ Ահմադ ալ-Աշմուլի, նշվ. աշխ., Կահիրե, 2002, էջ 142-143:
26. Խալիլ Իբն Մուհամմադ ալ-Կասիմի, Բեյրութ, 1987, էջ 100-102: